

Namminersornerullutik Oqartussat missingersuutaat pillugit Inatsisartut inatsisaata allanngortinneqarneranik Inatsisartut inatsisaat (2018-imut aningaasanut inatsisit, nunamut tamarmut akileraarut, kommunimut akileraarut, kommunit missingersuutaat aamma ulluunerani paaqqinnifinnut akiliut).

§ 1

Namminersornerullutik Oqartussat missingersuutaat pillugit Inatsisartut inatsisaanni nr. 8, 29. oktober 1999-imeersumi, Inatsisartut inatsisaanni nr. 1, 23. maj 2000-imeersumi aammalu kingullermik Inatsisartut inatsisaanni nr. 18, 9. november 2016-imeersumi allanngortinneqartumi makkua allanngortinneqarput:

1. § 10-imi imm. 2-6-itut nutaatut ilanngunneqarput:

"Imm. 2. 2018-imut aningaasanut inatsit kingusinnerpaamik ulloq 20. november 2017 akuerineqassaaq.

Imm. 3. 2018-imut nunamut tamarmut akileraarummut akileraarusiinermi procentiliussaq

kingusinnerpaamik ulloq 20. november 2017 aalajangersarneqassaaq.

Imm. 4. 2018-imut immikkut nunamut tamarmut akileraarummut akileraarusiinermi procentiliussaq
kingusinnerpaamik ulloq 20. november 2017 aalajangersarneqassaaq.

Imm. 5. 2018-imut kommunimut akileraarummut akileraarusiinermi procentiliussaq kingusinnerpaamik
ulloq 5. december 2017 aalajangersarneqassaaq.

Imm. 6. Meeqqat, meeqlanut suli atualersimanngitsunut kommunip ulluunerani
neqeroorutaaniinnerannut, 2018-imut akigititassat kingusinnerpaamik ulloq 5. december 2017
aalajangersarneqassapput."

§ 2

Inatsisartut inatsisaat manna Inatsisartuni akuerineqarnermi kingorna ingerlaannaq atuutilerpoq. Inatsit
ulloq 31. december 2017 tikillugu atuuppoq.

Kim Kielsen

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut